

光山縣志約稿

卷一

汪森柏先生
西正

海波
敬贈

光山縣重修縣志啓

昔蕭何入咸陽收圖籍沛公由是得具知天下阨塞戶口多少與人民疾苦邑乘者一縣之圖籍也二十二年二月余奉命篆權光邑適值赤匪之亂人民流散戶口蕭條兵役繁興財源枯竭仰屋竊嘆補救無方轉思因地制宜必考查是邑之土地物產如何人情風俗如何山川要隘如何再與閩邑人士同謀足食足兵方有把握迺訪求縣志僉謂迭經匪亂舊志已燬且舊志成於清乾隆丙午迄今一百四十餘年其間物產之盛衰人民之好尚國家之教養鄉賢名宦之經綸以昔準今舉皆大異欲圖補救非編修新志其道無由余怒焉憂之夫縣志一書蓋爲來者指迷津爲往者存掌故事體重大應預籌鉅款崇大志館延聘通儒褒貶是非方能昭垂千古光邑之幾經破壞予遺之民救死扶傷不暇奚能及此然縣志重要舉世皆知故內政部與本省外省連年催辦之公文急如星火斯文接續任之不敢卸之不能反覆思維成周之辟雍鐘鼓固郁郁乎其文而堯之茅茨土堦未始不可以出治竊欲因陋就簡及老成之猶在求文獻之可徵借燭代明以待日出况查光邑提議修志蓋始於民國九年庚申由何琳竹李春甫發起事將就而中輟再提

議於易步青而又輟十二年由閩邑旅汴諸君開會議決公推李春甫任監督陳頴溪陳雲翱夏賓南晏海波分任編輯宋子芬任圖繪其餘分任各執事者數十人蓋合一邑在鄉在外之精英搜羅幾盡共襄斯舉未及一載因變亂星散今則訪問者宿強半喪亡再歷數年何堪設想光邑四境雖云散亂而通才博士奔走國事任職四方者徧於全國斷不忍故鄉文化經赤匪數年蹂躪喪盡斯文識大識小皆爲我師文武之道自能不墜是以不揣固陋任他人所不願任之事以副上峯之望以繼前人之志願與邦人君子共起圖之民國二十二年夏光山縣縣長許希之

序

縣志史類也其範圍較之國史雖有廣狹之分而紀載歷代之政治典章風俗物產與夫名宦之治績鄉賢之楷則固非彰善癉惡而垂法戒於後世俾後之讀縣志者借爲前鑑得因革損益以求進化故曰史類也曾氏鞏曰古之所謂良史者其明必足以燭萬事之理其道必足以適天下之用其智必足以通難知之悉其文必足以發難顯之情然後其任可得而稱也又曰史者所以明夫治天下之道也故爲之者亦必有天下之才然後其任可得而稱也光邑提議修志十數年矣每次提議編輯人選皆推有海波十三年修志局成立海波以謀夫孔多不願與其事時余職掌公款局海波余甥也陳穎溪來強余命海波復出果未及一年而星散無一字成績厥後光邑日亂余與海波避地嶺西六載二十二年春海波旋里適上峯催修新志前縣長許又屬海波任其事未幾許去任後此官紳皆不利於修志二十三年夏停辦二三舊友謂光邑歷經變亂百五十年軼事所存不能十一而舊志亦燬今茲修志中止光山文獻皆永遠無徵共邀海波入潢川作私人著述網羅散帙分類編輯以待來者而余亦從而贊助之越四月彙集成帙除地圖另待專

光山縣志約稿

序

一

識記商印印刷承印

門測繪外共成五十四傳余詳加校正雖未盡完善如曾氏鞏之所期許而其立論確得古昔聖明經綸天下之大旨以土地入民爲主體以政事爲經緯以人才邪正民德隆替爲歷代盛衰治亂之源而於世道人心尤反覆致意讀其志傳隨處可以見其用心也余老矣世變日新古昔之治道日晦人民陷於水深火熱空喚奈何愛國之士亦有讀是志而心動者乎民國二十四年乙亥人日胡夢虞書於潢川之旅次

序

古柏先生生乎今之世尙友千古獨立不懼遞世无悶十餘年來不獨爲時髦所詆誹卽素所與親善者亦莫不惡其執拗光邑提議修志近廿年閩邑士人不問舊派新派咸知非先生莫辦惟恨其無通融餘地故往往疾害之十三年修志局成立亦推有先生爾時耗洋萬元以謀夫孔多事用不集二十二年縣長許希之聘先生獨任其事將成矣通計不過需費兩千餘元便可出板光邑無論如何困難些細之欸總能辦到而忌者施之以橫逆迫先生辭職縣政府呈覆上憲云另聘通儒續修一蕘功虧在所不惜先生越境後寄寓潢川半載續成一私稿隨赴開封就正舊友二十四年夏新縣長到省思以六百元代價易其志稿而歸時先生窮困異常終不肯出售任他人塗改亦真可謂拗矣先生從此赴洛與光邑斷絕關係大亂未已徵文考獻再望何人當先生私稿初成余曾往潢川竊讀之記事詳明持論嚴正臚列往事興亡成敗歷歷在目所取人物以有猷有爲有守爲依歸富貴利達之徒志在鮮衣美食而無濟人利物之心者皆先生所斥爲蠹賊宜今日之疾之者衆也然疾之而誠能易聘通人將縣志修成誰云不可疾之而猶欲攘奪

光山縣志約稿

三

謙記商務印刷所承印

其志稿以爲已有或從而變易黑白淆亂是非後之讀志者且將非議及先生而先生不願受也余用是不揣棉薄畧籌印刷費請先生節約出版俾閩邑之有心人讀之倘以爲有益於光山再請全稿公諸一邑或以爲於潮流不合則即此亦可爲大輅之推輪踵事增華後來較易古之良史並稱班馬班書自武帝以上強半出於馬史然於馬史之本來面目固兩不相礙也民國二十五年二月光山縣後學張鍊書

序

吾邑居豫省之南毗連鄂皖山川秀麗賢材輩出光潢之間多異人自古稱之宋元以降文字之優每冠各縣辛亥而後國家右武同時晉級將官者十餘員校尉不可勝紀武功亦盛極一時傑出之士奔走四方獻身於國家社會改革者無役不與思想更居時代之先今國勢不競物質落後倘吾邑人士能保持過去之精神多致力於實學使一縣令譽與日俱增凡生斯土咸與有榮而斯志之修同與不朽鄉黨君子甚有同心也抑前此務高遠者多盡力地方者少縣中秩序雖未受國家改革影響而自衛力薄遂致黠者竊據橫施摧殘甲子迄今閱十餘年兵燹荒歉更迭相乘民命不絕如縷晏謝二先生觸目興嗟乃不辭卑邇以數載之精力爲一縣掌故之考訂舉凡風土文物興廢沿革先哲遺蹟懿行以逮時賢之功在社會國家可以風世者靡不搜羅紀載俾後之來者把卷可知風物之美尋蹟即思締造之難則愛護鄉土之心油然而生地方健全之基於是以貧用心雖苦用力亦可謂不虛矣劉君炳華襄贊盛舉且以付印計畫遠問於余余因之而重有感焉吾鄉良風美俗都前賢心血鑄成今世故步自封難逃物競公例以往光榮信史盛

德屬諸先民而對茲天賦之錦繡河山一任民物彫零榛莽遍地則吾輩之不肖爲何如矣繼前賢儆不肖發揚光大期諸來茲斯晏謝諸君之微意亦未嘗非吾儕座右之良資也樂觀厥成題言於始民國丙子暮春張之慶書于天津

自序

余少壯時畧誦詩書不可一世妄以天下爲己任盲人瞎馬奔走於四方十五六年一事無成所遇益困歲丁巳旋里余年已四十矣二三年前來問字與之講腐敗舊學日與古人相對然後知堯舜湯文禹臬伊呂之事功別有聖德再証以孔子之教益增慚懼反躬自問往往至於汗流沾背猶幸不曾得志而未嘗貽害蒼生也自是不敢復問天下事十三年光邑修志諸先達以余好覽經史不能辭是責邀余襄辦未一年中止表弟彭鶴卿促余私自續成並助經費三百元越一年地方愈亂不能容於鄉黨志事又廢廿二年春余自贛西旋里縣長許復邀修志余以非其時辭謝縣長固邀鶴卿又竭誠勸告無法推諉勉任館職次年停辦二三舊友謂亂離之世百五十年文獻喪夫殆盡再不及今日存十一於千百將郭公夏五亦亡矣於是聚資約余到潢川第就所聞所傳聞者編之勿令散軼越四月勉強將網羅之軼事分門別類纂成五十四卷自顧學業淺陋與潮流不合不敢貢獻於同邑之聞人小友張劍峯傷長此亂離斯文將喪請余刪繁就簡節約存之渠願捐資刷印而余甥謝蘭田不憚奔走數千里負校對之責二子保存文獻之熱心

深堪嘉尙重違其意因將全稿整理郵寄於蘭田在開封出版少存故實以待後人惟余之學問文章未有根抵不足以啓發後進是爲可愧耳民國二十五年仲春月既望古柏老人書於洛陽之客舍

舊序

光山舊有志其篇者採舊版新脫誤由嘉靖丙辰迄今無所考徵予會集邑長老人士議補三十年所未備越三年未果聞邑大夫蔡汝謙氏所著有野史若干卷發遺其廬而請之大夫固以辭謂其先人大夫顯德先生於舊志有嘉靖甲午稿今將續一家言以記歲月惡敢云志因出其稿凡五卷以授予其文直而不繁豐而不復體簡而不略事核而不誣自沿革山川食貨以及終篇分門列品特著論贊自丙辰以前刻迂黜誤而各為一紀丙辰以後鬼佚摺據援其綱而收其目如篤行文章循良孝義諸科則統傳而彙集之其他特傳蓋舉重而略其餘則列傳之遺矩也藝文闡教化者載而詩賦詞章略之益政體者載而誥敕碑表之類則詳其家集而姑不備一字而意遠一言而義重其大端本旨無非欲司牧者育養黎元而善行垂法里閭後人慕古希聖修德學道而遠大樸於體主於簡文主於約視諸浮靡者不啻徑庭已也余幸吏於斯無所裨益地方得賢者成斯志而謬序之如此萬曆己丑春三月一日知光山縣事牛應元

不佞自鄙凡喜遷固子貞言及壯遊江海間歷十餘年欲有所著以成一家言而未能越在庚辰乃退而與二三子有事邑乘修先大人之業蒐舊晰新潦草成帙將附野史以徵諸名山而愧非其家也令君何以志為且也評隲品彙微有儆戒之詞或有知予者以俟後之君子萬曆己丑秋七月一日邑人蔡光

古者國不問大小靡不探撫風高訓方皆以載軍故而最著者莫如晉乘魯春秋乘終史耳春秋經大聖筆削始進為經孔子曰吾志在春秋則志也也經一也考自封建而郡邑邑之大者制無越百里乃其間海尉之相攝生齒之相屬名法之相見食貨之相有無問閉之相致皆甚而里征賦額之相權輸無不取相縣官主比而稱之曰邑侯則蓋爾邑亦古附庸也尤邑在春秋為強國地據上遊於汝以晉泗之間歷漢至今未聞以良史傳康成子思承蔡公以先正名賢掃松菊三徑歸棹味道著述自娛其於一邑見聞豈不蒐討

光山縣志約稿

舊序

謙記商務印刷所承印

先世以世而... 且以世而徵矣若夫拓城撤隄而大議難舉可見施行其為強陽紫水計有無窮之理焉而名法食貨士習循役之總綱其於以開化理尤不可謂族之自公又何言哉一詞萬曆四十年孟冬朔日知光山縣事施堯化

余... 斯役也蓋年... 不... 揚... 云... 昔先大人志終於戊子之冬時余自隸陵歸執以相授曰此... 後汝其承之余幸以周旋... 敢去... 乙巳自史進歸山會汝... 守... 公... 情... 郡... 志... 徵... 二十五年之典故於下邑邑侯程公我旌屬草於余而邑中丞劉公惟一侍御彭公汝行... 侍... 古... 云... 蘇... 黃... 陶... 陶... 公... 元... 勳... 諸... 孝... 廉... 博... 士... 弟... 成... 惟... 余... 責... 成... 余... 既... 弗... 敢... 辭... 乃... 步... 趨... 先... 人... 之... 旨... 而... 刪... 潤... 其... 詞... 於... 二十五年之政事文章... 人... 之... 品... 條... 分... 而... 補... 輯... 之... 不... 敢... 纖... 微... 有... 失... 若... 其... 中... 實... 者... 稍... 舉... 之... 簡... 者... 稍... 增... 之... 一... 評... 一... 贊... 少... 出... 意... 見... 而... 輔... 翼... 之... 雖... 先... 大... 父... 夙... 有... 成... 命... 然... 僭... 竊... 之... 罪... 深... 且... 重... 矣... 志... 庶... 程... 侯... 君... 夫... 訓... 訓... 久... 虛... 邑... 籍... 紳... 欲... 鳩... 工... 未... 之... 能... 也... 茲... 邑... 侯... 施... 公... 泰... 維... 以... 一... 代... 詞... 宗... 政... 成... 三... 年... 慨... 然... 以... 文... 獻... 為... 己... 任... 捐... 俸... 書... 諸... 梓... 因... 念... 斯... 志... 也... 邑... 先... 達... 各... 家... 草... 先... 大... 父... 創... 其... 始... 且... 徒... 淮... 川... 先... 生... 繼... 其... 事... 先... 子... 集... 其... 成... 余... 儼... 然... 若... 續... 鐘... 簋... 儻... 借... 加... 修... 輯... 今... 百... 有... 餘... 年... 矣... 後... 之... 觀... 今... 之... 視... 昔... 余... 於... 核... 賢... 有... 深... 幸... 焉... 萬... 曆... 四... 十... 年... 壬... 子... 孟... 夏... 望... 日... 邑... 人... 蔡... 毅... 中

光... 子... 謂... 為... 揚... 州... 之... 域... 一... 帶... 河... 山... 地... 勢... 環... 流... 有... 曠... 據... 三... 楚... 兩... 淮... 之... 勢... 但... 衝... 當... 中... 原... 門... 戶... 兵... 燹... 後... 土... 著... 為... 消... 凋... 殘... 荒... 蕪... 予... 蒞... 茲... 未... 免... 動... 冷... 月... 寒... 風... 斷... 竈... 之... 感... 五... 稔... 以... 來... 捐... 饋... 嗚... 呼... 壹... 志... 寧... 人... 由... 是... 廢... 稍... 興... 流... 稍... 聚... 用... 稍... 舉... 乃... 於... 綠... 飾... 俎... 豆... 敦... 說... 詩... 書... 之... 餘... 皆... 乘... 於... 餘... 燼... 得... 鄒... 大... 夫... 蔡... 君... 光... 其... 子... 毅... 中... 所... 重... 修... 者... 一... 冊... 事... 止... 於... 先... 朝... 萬... 曆... 己... 丑... 迄... 今... 又... 七... 十... 一... 年... 其... 間... 建... 置... 典... 禮... 秩... 官... 選... 舉... 以... 至... 人... 物... 藝... 文... 沿... 革... 興

廢而待增於是詢之耆山博聞或訪之紳士地記或求之古刻斷碑窮陬小落問俾缺典遺事勿溢美勿漏殊務比於一同載筆者則郡賢正書後而七十一年後之面目且以片茅新掃瓦礫凌如之外又一番曠舉也夫國有史邑有志所以彰往蹟詔後來也散之一邑爲志探之便成國史孔子因魯史成春秋大一上之法昭萬世之戒此物此志耳後之父母斯民者或以鳴琴治或以戴星治照乎如春臺之登樓樓乎如樂郊之趨紫水弦陽味賦父母父母之稱夫豈無謂披廣輿而天下在日考分野而一邑在日今之視昔後之視今心同也理同也倘嘉意儒儒備勞撫字俾光邑其亦有賴庶勿具文茲志也哉時順治己亥夏月知光山縣事管肇峻

古今茲緒一志林也伯益生五歲佐禹九牧贊之志山海伯禹高山大川貢金九牧作九鼎志貢賦書曰敷奏以言明試以功志也者其敷奏明試之大端乎故曰政在養民在知人自郡國暨一邑凡所以資民育才諸大政各陳諸志而六府三事惟修惟和皆得綜而核之矣光山於春秋時爲弦子之國秦以後始爲縣其因時立政代著循良披閱古志典型昭然矣然自萬曆己丑後七十餘年曠未增輯不足何徵今茲分督君當兵燹子遺後以休息仁覆爲政生聚教訓有方業蕪漸登見履漸舉乃有事於修志詢諸名獻鍾儒國老庶老諸諸多士以暨山更田暇靡善不彰靡幽不顯亦既有成竹矣余未入官時曾稽古法中引沐河漉蕪義見詢敢不敬謹一得贊茲盛典而邑之司文司幕暨籌縷而家食者青衿而庠肄者善德而山隱者咸聞問職職各探所聞其司邦直願余聞之凡政事不本於經術者必爲刑名爲小康即紀載不達於經術者必爲方言爲說鈴此於養民知人之義何居又何以興起賢持貞表之鑑而轉泰否之樞也故察時變而政之大權舉參典謨而政之大經正諷美刺褒貶教中教和而政之大綱備今令君繼變有克寬猛兼濟以大雲雷之經綸復出其立政知人之識以志一邑故實之紀履蓋則核神變而拘墟執古者有辨衡人物則本德誼而助名無本者有辨紀忠孝則參時宜而如讀經割股者有辨酌賦役則恪國憲而非安上全下者有辨紀藝文則旌懿敏而如織奇綺靡者有辨諸如此類皆足以折衷先聖振興後學則所謂昭貞表於秦鏡定否泰於吳鉤者實有其本寧止核循良於一邑備紀載於一方也哉令君管君肇峻司文任君君

光山縣志約稿

舊序

二

謹記商務印刷所承印

堯高君璋司幕高君鵬順治十有六年己亥正月光州孟修

舊序

王者之治天下大都政教二端而所謂政與教者非取天下而束縛之馳驟之也要以因天地之寒燠燥濕與夫民秉之剛柔輕重遲速齊其政修其教焉而已邑之有志所以別疆域詳分野以達居民食貨之數用以核實賦惇典禮又復有上賢崇德節不肯而結惡諸典俾政與教無不齊不修之憾此志之所以甚重也光山有志其來舊矣上考分野下詳輿地而城濠廡舍阡陌關津纖悉不遺探風問俗凡一切節義人倫足以爲砥世磨鈍之資者無不班班具在其亦云綱舉而目張矣但歲遠年深輿廢遞更按舊籍求之而近數十年之掌故不無闕略往歲大中丞閻公檄修志前令未之逮而去不佞承乏茲土踵而爲之深懼簿書缺掌考訂不遑有辜盛典公餘之暇適廣詢閩邑紳士耆老碩人凡前志所未載與載而弗核者悉芟蕪而增葺之自輿圖分野田戶食貨下逮人物藝文等目雖曰仍前而汰繁去蕪續遺補遺不無去取要以毋敢略毋敢濫焉而止庶幾因天地民秉善政修教之道意竊願與後之君子綜名數實共懋乃績云康熙三十五年丙子孟秋朔日知光山縣事粵東楊之徐

舊序

予令光山逾三載始及取舊志而新之又三載而新志始成嗚呼若是其難哉溯自壬寅赴選得是邑謁邑大司寇胡公曰邑之政修志爲亟出手簽舊志本示予予受之比擬邑邑士曰修志之議二十年不果其烏可緩乃予且沮之久而後舉之者非以是爲緩圖又非以其難而有所顧慮也志者志邑之實事所以彰往而詔來也學校書院之所以育才而造士城堞官署之所以衛民而聽政祠壇秩祀之典禮忠孝名蹟之式型或頽墜而廢墜或訛紊而鬱滯將泛而紀之則舉無實必就其實而著之則未可鹵莽以從事是故先爲載筆籌所以既其實者繕城垣飭公廨增泮水書院膏火表節孝祠擴火神祠查復學基釐正名宦鄉賢忠孝三祠入祀之人游履司馬古井敷載中府租舉矣始會薦紳士謀所以新斯志者稟呈於上憲條示四境令以所宜入志者冠日牒縣檢勘備冊查萃郡書志書帶延予

友錢君虎川任編纂邑中宿學士分其任發定凡例立之課程以時省閱每卷成郵呈大司寇分呈諸大憲受裁成首尾三閱歲而厥事成不以難而自諉是殆若有天焉非偶然也異時予里居無事取是志而尋覽之其山川土田關堡郵市皆吾所嘗躬歷其學校諸祠祀皆吾所嘗經理其忠貞孝義芳蹟遺文皆吾所嘗咨采而論定其選造俊秀皆吾所嘗與交遊而課訓雖境邊事過不啻重涉茲土固有暢然慰我夙心無負予向之爲其難者矣乾隆丙午冬知光山縣事楊殿梓

光山縣志約稿

舊序

三

謙記商務印刷所承印

凡例 (十六則)

- 一 宋史藝文志有徐自明浮光圖志三卷李棣浮光圖志二十卷光山有志實昉於此明萬歷間邑人蔡光爲縣志五卷歷後其子毅中因父稿而補之自明萬歷戊子邑令牛應元始修縣志至滿清康熙丙子歷任邑令補修皆因蔡氏之稿而稍加補輯者顧宋之浮光圖與明之蔡氏志失傳已久光邑舊志蓋乾隆五十年邑令楊殿梓所重修者也搜羅宏富文字古雅在當日可稱傑作然孔子刪詩先國風而後雅頌唐虞稱盛必六府三事允治而後有明良喜起之歌修縣志應以土地人民政事爲三要素而其他鋪張揚厲皆枝葉也舊志如三代彝鼎可供富貴人几案之玩具窮簷下戶識者蓋寡故光邑有志卽學宮士子亦十九不知縣志爲何物以其不切於實用也今畧事變更俾將來後生讀之以當本邑之地理歷史
- 一 土地人民政事謂之三寶有土地而後能養此人民有人民而後能有此土地支配此土地人民以生以養以立厥惟政事歷代土地之興廢人民之盛衰皆政事爲之也縣志者志此土地人民政事之書而他無餘事

光山縣志約稿

凡例

謹記商務印書館承印

- 一 正德利用厚生謂之三事中國自有歷史以來國家之成立皆所以爲人民而歷代聖君賢臣之仁政千頭萬緒總不外於利用厚生正德反此者謂之亂政倡邪說者謂之亂人縣志者志前代之治亂以爲後人之鑑也
- 一 嗜古者多拘泥不通善新者多鄙棄舊學二者皆一偏之見不足與言修志世界無一日不變而天不變道亦不變日新者勢不變者理孔子刪書商周與虞夏異孔子編年定哀與隱桓異隨時出治厥惟聖人周公思兼三王以施四事其有不合者仰而思之夜以繼日幸而得之坐以待旦因革損益之妙用也縣志備志古今之政治風俗以待宰是邑居是邑之正人君子因革而損益之
- 一 微子之命有曰統承先王修其禮物非獨封宋爲然周之三恪皆存前代之禮物也足見武周之聖大公無我不敢以周家之文治盡滅前代之典章今世變日新歷代文物之留遺皆有保存之價值舊志所載凡有關於世道人心政治隆污者一概不敢輕棄

- 一 志書紀載與學說迥異策士著書立說大概因時因地自創宏議以期救世主奴之

見卽孟荀不免蓋不推倒他人之說而其說不能獨伸也志書備載古今人物如江海之大蛟龍魚鱉任其出沒如天地之廣萬物並育各不相害凡於民德民智民生少有裨益之人皆志書之所取也

一 天地生人愚不肖最佔多數智識不足以自存材力不足以自養三代以後所以長養此愚不肖使之得遂其生者全得力於循吏故茲編於名宦最爲珍重而如舊志所載於光山毫無關係之人一概刪之

一 天地生才爲生民所倚賴者一爲道德之士二爲功名之士道德之士大則可以安天下小亦可以化一邑一鄉功名之士必思有所樹立以自異於庸衆若志在鮮衣美食縱竊富貴亦天地之蠹蟲耳於斯世何貴乎故茲編所載重在道德事功而於祿位從畧焉

一 人配天地爲三才故聖人能贊天地之化育然聖人恒數百年不一見而仁人君子義士節婦得天地之正氣即撐持天地之人也故茲編所載凡有關人心世道之人不分貴賤一律平等即畎畝巖壑之士亦必竭力表揚以立人極爲後人之則效

一 士君子以立身爲本其窮也有獨立不懼遜世无悶之精神其達也有不邇聲不殖貨利之清德方足以擔當天下之重任若同乎流俗合乎汚世假借聖人之言語以自便其私此孔孟之所謂鄉愿其流毒足以害天下故茲編所錄極尊重潔身自好之士洞悉世變之利害者必能知我

一 邪說橫流最能害人二十年來草野盡奸民勢力而愚民不能生存故共產黨易盛而難滅所以然之故共產黨有邪說保護而視愚民爲魚肉可欺也茲編所錄共匪經過據事直書不敢隨聲附和以亂天下

一 藝文志但紀書目史例皆然一縣之內傳人無幾若棄詩文不載則文獻不足徵矣故舊志於前人著作見於本傳而詩文之有關掌故者備載之以取信於將來今仍之

一 舊志體裁分爲四類曰圖經曰表曰志曰傳然後此各志間插圖表不能以類區別且古昔之浮光圖亦名曰志今悉以志該之依序列不復分類

一 舊志圖三臺八景所以抱揚風雅今則山川猶昔人物已非實無風雅之可言且新

立經扶八景已經分裂亂離之世不暇及此

一 光山因赤匪之亂有鑒於縣境遼闊鞭長莫及於二十一年冬劃光山南境合黃麻邊境建設經扶縣邊界糾葛久不決二十二年秋豫鄂皖邊區剿匪總司令劉第九區專員郭派委同光經縣長暨士紳會勘以北坳爲中心依東西直線爲界是爲舊光山之終新光山之始縣志紀載卽於是年截止後有變更一概不錄惟關於共匪之事間及二十三年非破例也共匪經二十一二兩年兩度痛剿燎原之火實已撲滅在當日軍事方面不妨呈報肅清倘讀縣志者但見二十二年之大功告成不知伏莽潛滋死灰將有復燃之勢則光山之受禍將無窮極爲此警告亦易終未濟而求必濟之意也

一 二十二年前縣長許希之提議修志應者絕少余以百五十年文獻之關係加以賢令尹之真誠力出任之而探訪無人不得已教育托之於謝之鳳財政托之於黃其璋公署之事托之於陸梅村畢業生托之於教育會百餘年軼事強半得之於吳家桂詹立梁芹香其餘則余十三年在修志局所搜羅之舊稿也至二十三年公家志

館停辦而探訪益困余懼夫時方喪亂殘編斷簡數年之後又將散軼勉強在潢川彙集成帙請舅父胡琴南到潢川討論數月冀存十一於千百以待將來修志之用
幽光潛德諸多遺漏閱者諒之

光山縣志約稿

邑人晏兆平編

總目

卷首 啓序 舊序 凡例 目錄

卷一 地理志

全圖 縣城圖 沿革志 氣候志 戶口志 縣治志
土田志 水利志 物產志 風俗志 山川志 區保志
市集志 交通志 關寨形勝志 古蹟志 災異志

卷二 政務志

財政志 教育志 典禮志 自治志 兵制志 大事記

人物志

職官表 出身表 名宦傳

卷三 人物志

仕賢傳 儒林傳 文苑傳 義行傳 孝友傳 忠烈傳
武績傳 隱逸傳 方外傳 方伎傳 列女傳 游寓傳


卷四 藝文志

詩 文 金石錄 雜記 附言 像片

光山縣志約稿

總目


謙記商務印刷所承印




光山縣全境圖



開關	大隘	若村	縣城	電線	省界
山脈	河流	集鎮	汽車道	縣界	
區公所					



光山城池圖



沿革志

光山縣沿革考

光山在禹貢揚州之域在周爲弦子國始封無攷惠王二十二年丙寅春秋魯僖公五年也楚圖殺於莧滅弦弦子奔黃自此訖於戰國遂爲楚地赧王三十年辛巳秦伐楚楚割上庸漢北地子秦明年秦復拔其西陵光山在西陵北漢東北是時地應入於秦及秦并天下分天下爲三十六郡光山屬秦九江郡西北境漢興增置郡國析南郡九江地置江夏郡領縣十四因故弦子國置西陽縣二縣隸焉迄兩漢郡縣之名未改而有時爲侯國武帝元封元年辛未置十三部刺史分領天下郡國自是江夏郡屬荆州部魏文帝黃初中分汝南立弋陽郡屬豫州統縣七西陽爲郡治所亦隸焉晉武帝十年己酉封汝南王亮子駿爲西陽縣公惠帝元康元年辛亥進封駿西陽郡王成帝咸和元年丙戌駿坐弟南頓王降爲弋陽縣王西陽國改郡咸康四年戊戌以西陽爲豫州治所劉宋文帝元嘉二十五年戊申以豫部蠻民即西陽縣二縣增立茹山樂安光城三縣隸弋陽郡孝武帝孝建元年甲午更秋曰建寧建侯國與西陽隨郡度屬鄆州大明中分弋陽郡樂安茹山光城三縣立光城左郡治光城八年甲辰省郡後復立南齊沿襲宋制梁武帝天監初始置光州領郡五以光城爲州治置宋安郡領樂寧宋安二縣又於白沙關置沙州領建寧齊安二郡大同二年丙辰東魏孝靜帝之天平三年也梁光州刺史郝樹以州附於東魏孝靜帝興和中移置廣陵郡隸豫州領縣五光城樂安預焉又置邊城郡領茹山一縣別隸南鄆州高齊文宣襲有魏業天寶之末省并茹山遂廢北周既并高氏併置弋州統西陽弋陽邊城三郡隋文帝開皇三年癸卯悉廢諸郡以州領縣屬光城樂安等郡以光州領光城樂安等六縣光城爲州治十八年戊午更光城曰光山州治如故光山縣之名自此始煬帝大業元年乙丑改光山曰光陽郡旋改弋陽郡領縣如故仍置刺史分部巡察弋陽置邑隸揚州部唐高祖武德三年庚辰改弋陽郡復爲光州仍治光山析樂安復置宋安置縣以宋安谷州太宗貞觀元年丁亥廢谷州省宋安入樂安縣分天下爲十道第七曰淮南道統州十二

光山縣志約稿

沿革考

謹記商務印刷所承印

光州所領光山樂安等五邑隸焉睿宗太極元年壬子徙光州治於定城光山始於屬邑元宗天寶元年壬午更樂安縣爲仙居改光州爲弋陽郡肅宗至德元載丙申置淮南西道節度使領義陽弋陽等五郡乾元元年戊戌弋陽郡復爲光州二年己亥罷淮南西道節度使旋復置領七州光州所屬隸焉代宗大曆十三年戊午賜淮南節度使李元帥更號申光蔡節度使德宗貞元十四年戊寅改賜申光蔡曰彰義軍光山仙居隸屬如故憲宗元和十二年丁酉彰義軍復爲淮西節度使明年戊戌廢淮西節度昭宗乾寧三年丙辰楊行密攻光州克之自是地入南吳南唐烈祖昇元元年丁酉吳亡南唐遂有其地元宗中興元年戊午周世宗顯德五年也淮南東西十四州盡入於周光山仙居預焉宋太宗至道三年丁酉分天下爲十五路光山仙居隨光州屬淮南路神宗熙寧五年壬子分淮南爲東西二路光山仙居隨光州隸淮南西路徽宗宣和元年己亥賜光州軍額爲光山軍節度光山仙居隸屬如故高宗建炎元年丁未省仙居入光山縣紹興二十八年戊寅避金太子元瑛諱改光州爲蕪州改光山縣爲則思縣三十一年辛巳以中丞汪澈言州縣俱仍舊名理宗嘉熙元年丁酉兵亂地荒寄治天台山元世祖至元二年乙亥宋亡入元立光山善治隨光州屬新黃宣慰司二十三年丙戌隨光州改隸淮西宣慰司三十年癸巳升蔡州爲汝南府兼領光州所屬光山等縣直隸河南江北行中書省明洪武四年辛亥以光州及所領光山固始二縣改屬中都臨濬府十三年庚申復改屬汝寧府隸河南布政使司滿清因之雍正二年甲辰河南撫臣石文焯以汝寧府轄二州十三縣道里遙隔稽查難周奏准依省分隸之例升光州直隸河南布政使名領光山固始息邑商城四縣而光山爲首邑屬南汝光道分轄民國初廢直隸州十八年廢道二十一年置第九區行政督察專員轄信陽羅山正陽潢光息固商八縣二十一年劃光山南境合黃麻邊地立經扶縣至滿清之布政使司變而爲省長變而爲巡按使又變而爲主席名目雖變省會則同無所謂革焉今按世次疆域係之以表俾居是邦者觀之了然於古今之沿革而知有以自省

光山縣沿革表